



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-541-5/21**
Datum: **30.12.2021. godine**

«Agencija za vodno područje rijeke Save» rješavajući po zahtjevu podnesenom od strane JP Autoceste Federacije BiH d.o.o. Mostar za izdavanje vodne dozvole za dionicu autoceste na koridoru Vc, dionica Klopče - Donja Gračanica, od km 2+680,00 do km 9+000,00, na osnovu člana 109. stav (1) tačke 2. i 9. Zakona o vodama («Službene novine Federacije BiH», broj 70/06), te člana 200. stav (1) Zakona o upravnom postupku («Službene novine Federacije BiH», broj 2/98 i 48/99),
donosi

RJEŠENJE **o vodnoj dozvoli**

1. Podnosiocu zahtjeva, JP Autoceste Federacije BiH d.o.o. Mostar, daje se vodna dozvola za izgrađenu dionicu autoceste na koridoru Vc, Klopče - Donja Gračanica, dužine cca 6,32 km.
2. Ova vodna dozvola se odnosi na aktivnost prikupljanja, odvodnje i tretmana oborinskih onečišćenih voda sa kolovoza auto ceste i ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu izvršenog uviđaja obavljenog na predmetnoj dionici i činjenica utvrđenih pregledom raspoložive projektne i ostale dokumentacije priložene uz zahtjev.
Ova vodna dozvola se izdaje pod slijedećim uslovima:
 - 3.1. Objekte čija je svrha prikupljanje, odvođenje, prečišćavanje oborinskih onečišćenih voda i ispuštanje u recipijent koji uključuju separatore ulja i masti, slivnike, rešetke, rigole, revizionna okna, spojne kanalizacione vodove, obodne kanale i propuste treba redovno održavati i koristiti na način koji će obezbijediti njihovu potpunu ispravnost i funkcionalnost.
Kontrola kvaliteta ispuštenih oborinskih onečišćenih voda u recipijent, vršiti će se na izlazima iz separatora, odnosno u slučajevima kada to nije moguće, na mjestu neposredno prije ispusta u recipijent. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, tj. izdvojenih naftnih derivata i taloga.
 - 3.2. Korisnik objekta je obavezan osigurati odgovarajuću opremu (adekvatnu muljnu pumpu, posude za prihvati, sredstva za izvlačenje i sl.) u cilju provođenja redovnog održavanja, kontrole, servisiranja, čišćenja i odvoženja taloga iz ugrađenih separatora.
 - 3.3. Stručne službe JP Autoceste Federacije BiH d.o.o. Mostar u čijoj nadležnosti je održavanje su obavezne poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti kvaliteta propisane u članu 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20).
 - 3.4. Pravno lice, JP Autoceste Federacije BiH d.o.o. Mostar je dužno, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okana za monitoring (na ispuštima iz separatora) u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20).
Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izvještaje o ispitivanju i ocjeni kvaliteta otpadnih voda dostaviti «Agencija za vodno područje rijeke Save» Sarajevo – sektor za upravljanje vodama, shodno uslovima o ispuštanju otpadnih voda u okoliš i sisteme javne kanalizacije, te članu 23. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20), a jedan primjerak zadržati za svoje potrebe u cilju stavljanja na uvid istih organima za vršenje inspekcijskog nadzora. Izvještaji o provedenim mjerenjima na terenu moraju sadržavati podatke i informacije u skladu sa članom 23. stav (3) Uredbe.

- 3.5. Čišćenje i pražnjenje uređaja za tretman tehnoloških otpadnih voda, odnosno separatora ulja i masti, povjeriti pravnom licu ovlaštenom za tu vrstu djelatnosti, prema sklopljenom ugovoru.
- 3.6. U slučaju vanrednih situacija, havarijskih onečišćenja i drugih sličnih okolnosti koje bi nastupile kao posljedica prirodne katastrofe ili ljudskog faktora, a što bi moglo prouzročiti zagađenja površinskih i podzemnih voda, korisnik objekta je dužan izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
- 3.7. Stručne službe JP Autocesta Federacije BiH d.o.o. Mostar u čijoj nadležnosti je održavanje dužne su organizirati periodični obilazak i utvrđivanje stanja na objektima za odvodnju, propustima na mjestima ukrštanja sa stalnim i povremenim vodotocima i iste održavati u funkcionalnom stanju.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa 170. Zakona o vodama („Službene novine Federacije BiH“, broj 70/06) i članom 12. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), na način pojašnjen u Prilogu 1, Poglavlje V, tačka 22. – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada u skladu sa tačkom IV podtačka 2. Odluke o visini posebnih vodnih naknada („Službene novine Federacije BiH“, broj 46/07). Preuzimanje propisanih obrazaca i detalje vezane izvršenje obaveza po osnovu plaćanja PVN korisnik prava iz vodne dozvole obveznik plaćanja će regulisati sa Odjeljenjem za naplatu vonih naknada AVP Sava.
5. Korisnik objekta je obavezan je utvrditi ekvivalentan broj stanovnika (popunjavati obrazac (EBS) - Izvještaj o obračunu broja ekvivalentnih stanovnika i popunjene i ovjerene obrasce dostavljati mjesečno mjesno nadležnoj Agenciji za vode, do 10-tog tekućeg mjeseca za prethodni mjesec), jer se količina otpadne vode i stepena njenog zagađenja vrši na osnovu jedinice mjere - jednog ekvivalentnog stanovnika (ES).
6. U periodu važenja ove dozvole pravno lice JP Autoceste Federacije BiH d.o.o. Mostar je dužno provoditi sve mjere i aktivnosti propisane ovom dozvolom.
7. Ukoliko zbog izgrađenih objekata dođe do promjene ili poremećaja režima voda i to prouzrokuje štete ma kakvog karaktera, korisnik je dužan uzroke nastalih šteta otkloniti, a nastale štete trećim licima nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
11. Prije isteka važnosti ove vodne dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav

(1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

JP Autoceste Federacije BiH d.o.o. Mostar, obratilo se ovoj Agenciji dana 09.11.2021. godine sa zahtjevom za donošenje rješenja o vodnoj dozvoli za dionicu autoceste na koridoru Vc, dionica Klopče – Donja Gračanica od km 2+680,00 do km 9+000,00, dužine cca 6,32 km. U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjereni kopiji rješenja o izmjenama podataka u sudskom registru broj Tt-O-153/21 od 03.03.2021. godine;
- Ovjereni kopiji uvjerenja o poreznoj registraciji, Kantonalni porezni ured Mostar, od 07.02.2013. godine;
- Ovjereni kopiji uvjerenja o registraciji/upisu u Jedinostveni registar obveznika indirektnih poreza, izdano od strane Uprave za indirektno-neizravno oporezivanje BiH pod brojem 04/1-17-1-UPJR/1-630-2/19, dana 01.02.2019. godine;
- Dokaz o uplaćenju upravnoj taksi;
- Rješenje o vodnoj dozvoli broj UP-I/25-3-40-507-4/20 od 17.12.2020. godine izdato od strane Agencije za vodno područje rijeke Save Sarajevo;
- Izvještaj o monitoringu kvaliteta i kvantiteta otpadnih voda, broj 1441/21 urađen 29.09.2021. godine od strane «Inspekt - RGH» Sarajevo;
- Projekt izvedenog stanja unutrašnje odvodnje sa odvodnjom do recipijenta, broj projekta: 247/20 urađen novembra 2020. godinen od strane DESIGN&QC d.o.o. Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetne dionice autoceste i tom prilikom sačinjen zapisnik o uviđaju broj: UP-1/21-3-40-541-4/21 od 29.12.2020. godine.

Na osnovu pregleda raspoložive dokumentacije i izvršenog uviđaja na predmetnoj lokaciji utvrđeno je slijedeće:

Odvodnja površinskih i voda na autocesti podijeljena je na sistem unutrašnje i vanjske odvodnje. Sistem unutrašnje odvodnje autoceste obuhvata odvodnju površinskih i procjednih voda sa kolovoza autoceste sa odgovarajućim sistemom zaštite voda (separatori). Sistem vanjske odvodnje, koja se vrši otvorenim kanalima - rigolima, jarcima i sl., obuhvata odvodnju površinskih voda te odvodnju servisnih i lokalnih saobraćajnica. Odvodnja oborinskih voda sa kolovoza autoceste je predviđena kanalizacionim kolektorom oborinske vode smještenim u razdjelnom pojasu povezanim poprečnim slivničkim vezama i revizionim oknima, te sistemom vanjske odvodnje, odnosno sa rigolima na trasi. Odvodnja do krajnjeg recipijenta prihvaćene površinske vode sa trase planirana je putem cijevni propusta, pravougaonih betonskih kanala i cjevnih vodova.

Za potrebe odvodnje površinskih voda sa kolovoznih konstrukcija mostova-vijadukata predviđena je instalacija kolektora ispod konstrukcije mosta-vijadukta, vještanjem na odvojene objekte lijeve i desne trake u zavisnosti od poprečnih padova konstrukcije. Prikupljanje vode u kolektore vrši se kroz slivnike koji su raspoređeni duž mosta u zavisnosti od geometrije mosta i položaja dilatacija.

Pored ostalih objekata ova dionica uključuje: vijadukt Klopče, umjetni tunel Klopče, vijadukt Klopčke Stijene, vijadukt Babina Rijeka – anex, vijadukt Babina Rijeka, vijadukt Pehare, tunel Ričice, vijadukt Ričice i tunel Pečuj.

U toku važenja ranije izdate vodne dozvole broj: UP-1/21-3-507-4/20 od 17.12.2020. godine završen je kompletan sistem odvodnje prelivnih voda iz separatora do krajnjih ispusta u recipijente.

U nastavku je dat tabelarni pregled oznaka ugrađenih separatora na predmetnoj dionici autoceste i njihovog položaja na terenu:

REDNI BROJ	OZNAKA SEPARATORA; MREŽA	POLOŽAJ SEPARATORA, STACIONAŽA:	Stana autoceste	Recipijent
1	650 bp 65; Mreža 1	ST 2+610,00	Kraj vijadukta Perin Han, desno iz pravca Sarajeva	odvodni kanal
2	150 bp 15; Mreža 2	ST 4+950,00	Odvodnja umjetnog tunela i dijela trase ispod v. Klopačke stijene, razdjelni pojas	odvodni kanal
3	200 bp 20; Mreža 3	ST 5+080,00	Osvodnja vijadukta Klopačke stijene, kraj vijadukta u razdjelnom pojasu	odvodni kanal
4	200 bp 20; Mreža 3	ST 5+620,00	Odvodnja vijadukta Babina Rijeka, desno iz pravca Sarajeva	odvodni kanal
5	150 bp 15; Mreža 4	ST 8+500,00	U razdjelnom pojasu kraj tunela Pečuj	odvodni kanal

Na osnovu provedenog postupka, a u cilju smanjenja zagađenja voda, postizanja dobrog stanja voda, sprječavanja degradacije voda, umanjavanja mogućnosti štetnog djelovanja voda kao i održivog korištenja voda, podnosiocu zahtjeva, JP Autoceste Federacije BiH d.o.o. Mostar, ovom vodnom dozvolom su u tački 3. dispozitiva rješenja propisani uslovi korištenja i održavanja objekata koji utiču na režim voda te načina provođenja aktivnosti ispuštanja onečišćenih oborinskih voda.

Tačkama 4. i 5. ovog Rješenja propisani su uslovi za plaćanje posebne vodne naknade za zaštitu voda od zagađenja u skladu sa članovima 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).

Opće vodne naknade plaća kao registrovani djelatnik, a PVN za zaštitu voda po osnovu količine zagađenja vode nastale ispuštanjem otpadnih (oborinskih onečišćenih) voda kao posljedica sapiranja ostataka rasute nafte i naftnih derivata, sredstava za zaštitu od leda i posipnog materijala, čestica prašine, zemlje, kamena, abrazivnog materijala, potrošenih guma i sl. sa saobraćajnih površina. Obračunava se množenjem količine zagađenja voda u toku obračunskog perioda izraženog preko ekvivalentnog broja stanovnika (EBS) sa visinom ove PVN (a to je 2,00 KM po I ES (ekvivalentni stanovnik) ispuštene vode - Odluka o visini PVN, član IV, stav 2.). Obračunavanje i plaćanje PVN se vrši do 20. u mjesecu za prethodni mjesec. Obavezan je utvrditi ekvivalentan broj stanovnika (popunjavati obrazac (EBS) - Izvještaj o obračunu broja ekvivalentnih stanovnika i popunjene i ovjerene obrasce dostavljati mjesečno mjesno nadležnoj agenciji za vode, do 10-tog tekućeg mjeseca za prethodni mjesec), jer se količina otpadne vode i stepena njenog zagađenja vrši na osnovu jedinice mjere - jednog ekvivalentnog stanovnika (ES).

Na osnovu provedenog postupka konstatuje se da je podnosilac JP Autoceste Federacije BiH d.o.o. Mostar ispunio minimum uslova za izdavanje vodne dozvole, kako je to regulisano članom 115. do člana 118. Zakona o vodama i članom 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

UPUTA O PRAVNOM LIJEKU:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih upravnih taksi.

Voditelj postupka:

Roksanda Školjić, dipl.inž.građ.

Po ovlaštenju

Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- JP Autoceste Federacije BiH,
Ul. Adema Buća 20, 88000 Mostar
- Sektor 50,
- AVP Sava, ISV – Vodna knjiga
-  Sektor 40, arhiva
- oglasna ploča AVP – Sava